

für ihn / das ist / niemand liebet ihn / noch helle
seine Gebot / on die allein / so kein verdienst rhu
men / Sondern Gott / gnedig vnd barmher
zig / vnd einen vergeber der Sunden glauben
vnd nennen / Sich selbst aber schuldig beken
nen vnd beten im Vater vnser / Vergib vns
vnser schuld / als wir vergeben vnsern schul
digern / Das heisst ia nichts anders / denn ei
tel gnade gepredigt / nicht was wir thun sol
len / wie die zehen Gebot foddern / vnd nicht
geschicht / Sondern was Gott mit gnaden
an vns thun wil / vnd gethan hat / wie das
newe Testament vns leret vnd zeuget / Da ha
ben wir nu / den Prediger / der sich Mose
offenbart vnd weissagt / was er im newen Te
stament Predigen wolle / vnd wie er dazu mal
geweissagt hat bey Mose / also sehen wirs im
newen Testament erfüllet / Nemlich / das nie
mand durch eigen gerechtigkeit / Sondern al
lein / durch Gottes gnade / die vns durch dies
sen Prediger seinen lieben Son gepredigt ist /
sol gerecht vnd selig sein.

Das nu hie weiter folget / wie Mose bit
tet / das der HERR ia mit zihen wolle / vnd
sie nicht lassen / Vnd der HERR drauff ant
wortet / Er wolle mit zihen / grosse wunder
thun etc. Da ist er widder versünet / mit dem
Volck / vernewet den bund / vnd schreibet an
dere tafel / vnd fasset in der summa / kurtz des
alten